



*“L’astrologia trae origine dalla superstizione primitiva  
che attribuiva alle stelle il carattere di divinità  
che guidavano con il loro potere i destini  
dei popoli e dei singoli individui”*

**Margherita Hack**

Dree al veve vût une vite facile. Al jere nassût cuant che il soreli al jere te costelazion dal Leon. Al jere spavalt, fuart, gjenerôs e no si fermave devant di nie. Come che al scriveve Manilius, chel strolc roman che al veve vivût tai prins agns daspò Crist, tal so “Om Zodiacâl”, il Leon al influive sul cûr. E Dree al jere propit un om di cûr e si faseve preseâ di ducj.

Une vite facile, une buine cariere cun posizion impuartante intune rinomade cjadene di negozis. I vevin simpri dit “Si viôt che tu sês un Leon! Tu âs propit lis carataristichis di chel segn!”

Fin di frut i vevin dit cussì e a la fin si jere convint che e jere vere.

Urugu Agany al jere il plui disfortunât dal vilaç. Ducj lu coionavin o lu evitavin. Difât al jere nassût sot dal segn de “Barcje Ribaltade”. Cussì i vevin dit ai siei parincj i famôs strions e strolcs dal ream di Monomotapa che di gjenerazions a studiavin lis stelis dai lôr osservatoris di pierie.

I gjenitôrs di Urugu, puars pescjadôrs dal Zambesi, a varessin vût di rassegnâsi parcè che la vite dal fi e sarès stade dute di rive sù: un nassût sot de “Barcje Ribaltade” nol varès dovût propit metisi in aghe pene lis plui gravis disgraciis. E ogni gnot Urugu al cjalave chê

costelazion e le maledive: al jere un disen formât di un trapezi cuntune stele celestine une vore luminose, tra lis plui sflandorosis dal cîl... insome ... chê stele che nô europeans o clamìn REGULUS.

***di Checo Tam***